



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Svmmæ Virtvtvm, Ac Vitiorvm , Tomus ...**

**Guilelmus <Peraldus>**

**Lvgdvni, 1585**

De oratione. Pars VII. quæ habet decem capitula.

[urn:nbn:de:hbz:466:1-46132](https://nbn-resolving.org/urn:nbn:de:hbz:466:1-46132)

qui ei apparet, nisi sub conditione, scilicet si ipse est Christus. Matth. 24. Si quis dixerit vobis, Ecce hic est Christus vel illic, nolite credere. Itē exhibere potest debitam reuerentiā omnibus beatis angelis Dei vbiq; sint: illi verò qui apparet non simpliciter, sed sub conditione, scilicet si est de beatis angelis Dei.

*De oratione. PARS VII. que habet decem capitula.*

*De ordine dicendorum de oratione. Et de diuersis acceptionibus huius nominis Oratio. CAP. I.*

**P**ost patriā & duliā tractabitur de oratione. Ab eo enim cultū patriæ, vel duliæ impendimus oratione beneficiū impetramus. Et honor patriæ vel duliæ efficacē reddit orationem secundū illud Eccl. 35. Qui adorat Deum in oblatione, suscipietur: & deprecatio illius vsq; ad nubes appropinquabit. Præterea oratione quodammodo Dei maiestatem profitemur: dum pro defectibus nostris supplendis, ad eū quasi ad fontem bonitatis orando recurrimus. Itē cum ab eo postulamus ea quæ soli potentiæ diuinæ possibilis sunt, & soli liberalitati diuinæ congruunt, vt est collatio regni celestis. ¶ De oratione verò hoc modo tractabitur. & primo ponetur diuersæ acceptiones huius nominis oratio. Secundo, eius descriptiones. Tertio, cōmēdationes. Quarto, agetur de præparatione orationis. Quinto, de impedimentis eius. Sexto, ostēdetur quādo sit orandū. Septimo, vbi orandū. Octauo, quomodo orandū. Nono, quid orandū. Decimo, agetur de speciebus orationis. ¶ Circa primū norandū, q̄ oratio quandoque dicitur esse opus bonum. Vnde super illud 1. Thess. vlt. Sine intermissione orate, dicit Glo. Semper orat, qui semper bene agit. Quandoq; verò dicitur iustitia seu bonitas hominis, quæ apparet Deo in filiis eius quasi quædam imago Dei, habet quasi vim orationis apud Deum: sicut & apparitio filij Dei coram patre suo, est quasi oratio pro nobis. Hebr. 9. Iesus introiit in celum, vt appareat nunc vultui Dei pro nobis. Sic sumitur, Orate, in Gloss. super illud 1. Thess. vlt. Sine intermissione orate, &c. Iustus nunquam desinit orare, nisi desinat iustus esse. Bernardus ad fratres de monte Dei, specialiter dicit de charitate Dei, a qua maxime est bonitas in anima, q̄ ipsa est oratio nunquam deficiens. Charitas, inquit, quæ nunquam deficit, ipsa est sine intermissione oratio. Et subdit: Est enim quædam ingis bonitas mentis, & bene compositi animi, & ad patrem Deum in filiis Dei bonitatis quædam similitudo. Quandoq; oratio dicitur petitio boni, siue dirigatur ad Deū, siue ad angelos, siue ad Sanctos: sic litania oratio est, vel orationes. Quandoq; verò strictius sumit

sumitur, vt dicatur oratio petitio boni, quæ ad Deum dirigitur: & sic maximè à magistris sumitur, vt inferius patebit. Quædoq; verò amplius restringitur, scilicet ad petitionem quæ est pro adipiscendis bonis. Vnde Glo. super illud Psal. Exaudiuit dominus deprecationem meam, dominus orationem, &c. Deprecatio est pro remouendis malis, oratio pro adipiscendis bonis.

*De descriptionibus Orationis.* CAP. II.

Circa secundum notandum, quod oratio sic describitur à Ioanne Damasc. Oratio est ascensus intellectus ad Deum. Intellectum verò hic accipias prout comprehendit duas vires, quæ sunt propriæ animæ rationalis, quarum vna est apprehensiva, altera motiua. Apprehensiva dicitur intellectus speculatiuus: motiua intellectus practicus. Ad Deum ascendit, cum hac consideratione humanorum defectuum, ad considerationem boni sufficientissimi, & potentissimi supplere defectus illos transit. Et inuenitur in hoc modo quo debet procedere qui vult orare. Primo enim debet defectus suos considerare, deinde ascendere ad eius liberalitatem, qui hoc potest supplere. Vnde 3. Reg. 8. Dixit Salomon templo ædificato: Si quis cognouerit plagam cordis sui, & extenderit manus suas in domo hac: tu exaudies in celo, &c. Intellectus practicus ad Deum ascendit desiderio & spe, à liberalitate eius sperando impleri desiderium suum. Item oratio describitur sic à Ioanne Damasc. Oratio est petitio decentium à Deo. Non decet Dei filios omnia indifferenter petere. Nec Deum decet omnia indifferenter dare. Non sunt petenda à Deo, nisi honesta. Senec. in epistolis: Quarta, inquit, dementia est hominum: turpissima vota Deo insulurrant: ita vt si quis aurum admouerit, conticescant, & quod scire hominem nolunt, Deo narrant. Sic viue cum hominibus, tanquam Deus videat: sic loquere cum Deo, tanquam homines videant. Non decet filios Dei petere vilia: vt sensibilia ista quæ sunt transitoria, & corruptibilia. Seneca in epistolis: Maior sum, & ad maiora natus, quam vt mancipium sim sensuum meorum. Item non decet viros virtutis petere puerilia. 1. Cor. 13. Quando factus sum vir, euacuauit quæ erant paruuli. Ite oratio sic describitur: Oratio est pius mentis affectus in Deum directus. Iste affectus desiderium est. Vnde super illud 1. Thess. vlt. Sine intermissione orate, dicit Gl. Ipsum desiderium bonum oratio est: & si continuum est desiderium, continua est oratio. Pietas, à qua pius est affectus quæ est oratio, est theosebia, siue cultus Deo debitus, qui comprehendit fidem, spem, & charitatem. Vnde Aug. de orando Deo, ad Probam: Ipsa fide, spe, & charitate continua-

ro desiderio semper oramus. Idem in eodem: Ora in spe, orate  
 deliter & amanter. Affectus qui est in Deum dicitur dirigi ad  
 modum nuntij. Est enim velut nuntius ab homine ad Deum mis-  
 sus. Vnde super illud Psal. Intret oratio mea in conspectu tuo.  
 dicit Gloss. Virtus magna puræ orationis hic notatur, qui quæ-  
 persona quedam ad Deum intrat, & mandatum peragit, quo ca-  
 ro peruenire nequit. Item in lib. de Spiritu & anima, sic descri-  
 bitur: Oratio est mentis conuersio in Deum per pium, & humi-  
 lem affectum. Gre. verò in sexta parte Moral. dicit quòd veraci-  
 ter orare est amarus compunctionis gemitus, & non composita  
 verba resonare. Item oratio magistraliter sic describitur: Or-  
 tio est ostensio voluntatis nostræ ei à quo impetrare speramus  
 id quod desideramus.

*De commendatione Orationis. CAP. III.*

**A**D commendationem Orationis, Primò valere potest si-  
 quens admonitio, quam sacra scriptura facit ad orandum.  
 Eccl. 18. Non impediaris orare semper. Iere. 33. Clama ad me, &  
 exaudiam te. Mach. 5. Et nunc clamemus in celum. Luc. 11. Pe-  
 tite & dabitur vobis: quærite, & inuenieris: pulsate, & aperietur  
 vobis. Aug. Nō tamen hortaretur vt peteremus, nisi dare vellet.  
 Erubescat humana pigritia: plus vult ille dare, quā nos accipere:  
 plus vult ille misereri, quā nos à miseria liberari. Itē Luc. 22.  
 & Matt. 26. Vigilate & orate ne intretis in tentationē. ad Ro-  
 12. Orationi instantes. Idem ad Col. 4. 1. ad Thessal. vlt. Sine in-  
 termissione orate. Iac. 1. Si quis indiget sapiētia, postulet à Deo,  
 &c. Eiusdem 1. Tristatur aliquis vestrum, &c. 1. Pet. 4. Vigilate in  
 orationibus. ¶ Secundò exempla, & inter ea est efficacissimum  
 exemplum Christi, qui licet oratione nō indigeret, cum petere  
 omnia posset: tamē vt daret nobis exemplum orandi, toties ora-  
 bat. De eius oratione habes Mat. 14. Dimissa turba ascendit in mo-  
 tem solus orare. Item eiusdem 26. Sedere hic, donec vadā illuc,  
 & orem: progressus pusillum prociat in facie suam, orās & di-  
 cens: Pater mi, &c. Et paulò post: Iterum secundo abiit, & orantem  
 dicens: Pater mi, &c. Et subditur: Et orauit tertio eundē sermo-  
 nem dicens. Idē Marc. 1. Diluculo valde surgens, egressus abiit  
 in desertum locū, ibique orabat. Item Luc. 4. Iesu baptizato &  
 orante, apertum est cælum. Et eiusdē 6. Factum est in diebus illis  
 exiit in montē orare, & erat pernoctans in oratione Dei. Itē  
 eiusdem 9. Facta est species eius altera dum oraret. Itē 11. Factum  
 est cum esset in loco quodam orans, vt cessauit, dixit vnus ex disci-  
 pulis eius ad eū: Domine doce nos orare. Item eiusdem 22. Factus

factus in agonia prolixius orabat. Eiusdē 13. Pater dimitte illis, quia nesciunt quid faciūt. Ioannis 12. Pater, saluifica me ex hac hora. Item eiusdē 17. habes multum de oratione eius. ¶ Ad cōmendationem etiam orationis valere possunt exempla alia: & causa breuitatis pauca de illis tangamus. Legitur Lucē 2. de Anna, quod non discedebat de templo, ieiuniis & obsecrationibus seruens die ac nocte. Et Act. 1. Erant omnes perseuerantes in oratione vñanimit̄ cū mulieribus, & Maria matre Iesu & fratribus eius. Et eiusdē 10. Ascendit Petrus in superiora domus vt oraret. Et de beato Martino legitur, quod etiā moriens inuitum ab oratione spiritum nō relaxabat. Et de Paulo primo eremita legitur, quod mortuus quasi orabat: vnde habuit signum orantis, ore & manibus in caelum erectis, cū inueniretur sanctum cadaver eius appodiatum arbori à beato Antonio, qui de eo ait: Pater quā assidue, quantūmque oraret Deum viuus, quā nō desinit orare mortu⁹. Et Iacobus Alphēi ex vtero matris sanctificatus, ex assiduitate orandi cōtraxerat in genibus suis duritiem camelorum. Et Bartholomæus cēties in die & cēties in nocte ante Deū genua flectebat. ¶ Terri⁹, quod filius Dei ad eō diligenter nos voluit instruere ad orandum. Vix enim est aliquod opus ad quod ita diligenter instruxerit. Ipse enim docuit quid orandū, & vbi, & quando, & quomodo orandū, & quo fine, & qua necessitate, vt in sequentibus patere poterit. Noluit nos negligenter addiscere, quod ad eō voluit diligenter docere. Verecundum est discipulis Christi ignorare quod magister eorum diligentissimē docuit. Item verecundū est eis rarō facere, quod magister eorum tantum frequentauit. ¶ Quart⁹, dignitas angelorum orationes nostras Deo offerentium. Tob. 12. dixit angelus Tobie: Quādo orabas cum lachrymis, & sepeliebas mortuos ego obtuli orationem tuam Domino. Non debet homini esse onerosum xeniū illud Deo mittere, quod angelus nō dedignatur ei deferre: imō quod plus est, ipse Christus qui inquantū homo est, summus sacerdos, illud offert Deo patri. Quod figuratur in hoc, q̄ diaconus thuribulū tradit sacerdoti, & sacerdos thurificat Deo. Sic Christus orationes ecclesie Deo patri presentat, quæ presentatio multum facit eas valere. Quomodo enim à Deo contemneretur quod à tanto mediatore ei presentatur? ¶ Quint⁹, præminentia quam oratio habet respectu aliorum operum. Oratio premium respectu lectionis. Isidorus: Orationibus munda mur, lectionibus instruimur, vtrunque bonum est, si liceat: si non liceat, melius est orare quā legere. Item præmi-

nentia quam videtur habere respectu ieiunij & eleemosynarum. Primò in hoc, quòd oratio est respectu eius quòd supra nos est, scilicet respectu Dei: eleemosyna verò & ieiunium respectu eius quòd iuxta nos vel infra nos. Vnde quum oratio ad digniorem ordinem, in hoc videtur esse dignior. Præterea ieiunium & eleemosyna videntur seruire orationi. Sunt enim velut duæ alas de quibus dicit Isidorus: Qui vult orationem suam volare ad Deum, faciat illi duas alas, ieiunium & eleemosynam: Tob. 12. Bona est oratio cum ieiunio & eleemosyna. Oratio columba est, avis scilicet Spiritus sancti, quæ ramum oliuæ apporrat, ut pacem hominibus imperrat. Ideo dicimus esse avem Spiritus sancti: quia deuota oratio à Spiritu sancto est. Roma. 8. Spiritus sanctus postulat pro nobis gemitibus inenarrabilibus. Bernardus. Tepida est omnis oratio, nisi eam præcedat inspiratio. Semper facilitas huius operis. Si dicatur alicui, quòd det eleemosynam, potest excusare se, quum non semper habeat homo argentum in burfa. Si dicatur ei quòd ieiunet, potest excusare se, quum multi propter debilitatem capitis ieiunare non possint. Sed ab oratione nullus potest excusare se. Quilibet enim potest habere orationem saltem mentalem, etiam si sit mutus. Vnde Psal. Apud me oratio. Et super illud, Iustus autem miseretur, &c. dicit Chrysostomus. Semper est aliquid iusto quòd det, saltem orationem. Chrysostomus. Solam orationem quasi spirituale tributum anima offerre de suis visceribus. ¶ Septimò, quòd opus hoc est honorabile. Multa sunt officia, quæ aliquibus cederent ad dedecus: sicut arare, vel fodere: sed orare Deum, nulli quantumcunque nobili cedit ad dedecus: quia quum oramus, ipsi cum Domino loquimur, quod sine dubio magnus honor est. Isidorus. Qui vult cum Deo esse, frequenter oret & legat: nam quum oramus, ipsi cum Deo loquimur: quum verò legimus, Deus nobiscum loquitur. ¶ Octauò, quòd officium istud valde lucrosum est. Quòd primo potest ostendi ex hoc, quòd nihil est ad quòd oratio valere non possit. Vnde 2. Paral. 20. Quum ignoramus quid agere debeamus, hoc solum habemus residui, vt oculos ad te dirigamus, hoc est officium quo potest homo lucrari omni tempore, in hyeme, & in æstate, in sereno & in pluuiali tempore, de die & de nocte, festiuis diebus & ferialibus, in infirmitate & sanitate, in iuuetute & senectute, stando & cundo, in domo & extra domum. Quamobrem quæ vna ora plus lucratur homo orando, quàm valeat ciuitas viuere, quia modica oratione deuota acquirit homo regnum celorum. ¶ Nonò, orandi necessitas, quam in presenti habemus. Tra-

solent

solent esse occasio clamandi hominibus: ignis, aqua, hostes. Bernardus, Hęc tria quasi singulis diebus incitare debēt nos, vt ad Deum in oratione clamemus. Vix enim est dies in quo domus conscientię nostrę non succendatur igne infernali: scilicet igne concupiscentię prauę. Vnde necesse habemus clamare ad aquã diuinę gratię, & ad aquã lacrymarum recurrere. Ignis iste aliquando ex vna parte extinguitur, & ex alia parte accenditur. Ex ipsa enim aqua lacrymarum vnde debuit extingui, quãdoque vires sumit: vt quum aliquis vanę gloriatur de hoc quod peccata sua plorat. Item vix est dies in quo homo nõ sentiat fluctus malarum cogitationum super caput cordis sui, vt necesse habemus frequenter clamare illud Matthei 8. Domine, salua nos, precimus. Item vix est dies in quo hostes suos non videat ad portas castri sui: vt quum verba mala in ore habet, vel fatuam mulierem aspicit. Oratio multum competit loco in quo sumus. Sumus enim in valle miserię: ideo necesse habemus ad Dei misericordiam frequenter orando clamare. Pugnam habemus cum eo de quo scriptum est Iob 41. Nõ est potestas in terra quę ei valeat comparari. Ideo necessario habemus frequenter auxilium Dei inuocare. In futuro cessabit hęc pugna: ideo non erit ibi oratio necessaria. Augustinus de orãdo Deo: In vita æterna non erit vlla tentatio, itaque nec oratio: non enim erit ibi boni promissi expectatio, sed redditi contemplatio. ¶ Decimò, commendabilis est oratio à multiplici suo effectu. Notandum ergo quod oratio infirmitatem corporis sanat. Ecclesiast. 38. Fili in tua infirmitate ne despicias teipsum: sed ora ad Dominum, & curabit te. Iacob. vlt. Oratio fidei sanabit infirmum. Item vitam prolõgat. Esaiã 30. Audiui orationem tuam, & vidi lacrymas tuas: ecce ego adiciam super dies tuos quindecim annos. Item ab opprobrio liberat, vt Saram filiam Raguelis. Tobie 3. Liberat etiam à mortis periculo, vt Susannam. Danielis 12. Item à principe iniquo. Baruch 4. Clamate ad Dominum, & eripiet vos de manu principum inimicorum. Actuum 12. Liberatur Petrus de carcere, ecclesia sine intermissione orante pro eo. Item Ionas orans. de ventre ceti liberatus est. Ionã 2. Itẽ oratio sanat morbos spirituales. Iacob. vlti. Infirmatur quis in vobis? inducat presbyteros ecclesię, & orent, &c. & si in peccatis sit, dimittentur ei. Hieronym. Ieiunio sanantur pestes corporis, oratione pestes mentis. Item oratio etiam in bello corporali triumphat. Exod. 17. Quum leuaret manus Moyses, vincebat Israel. Iudic. 4. Memores estote Moyfi serui Dei, qui Amalech

(non ferro pugnando, sed precibus sanctis) deiecit. Gloss. super Numer. Plus valet vnus sanctus orando, quam innumeri peccatores praliando. Oratio sancti calum penetrat: quomodo hostes in terris non vincat? Plus verula vna acquirit de celo vna hora orando, quam mille milites armati acquirunt de terra longo tempore praliando. Item de hostibus spiritualibus triumphat. Isidorus: Hoc est remedium eius qui vitiorum tentamentis aestuat, vt quoties quolibet tangitur vitio, toties se ad orationem subdat; quia frequens oratio vitiorum impugnationem extinguit. Dicebat magnus cantor Parisiensis: Qui molebatur luxuria, vel huiusmodi, certum numerum genuflectionum cum litanis sibi constituat. Item oratio daemones fugat. Matth. 17. & Marc. 9. Hoc genus daemionum non eicitur, nisi per ieiunium, & orationem. Item daemones cruciat. Vnde clamabat quidam daemone plenus, Bartholomae apostole. Diaboli incendunt me orationes tuae. Item oratio hominem illuminat. Vnde super illud Actuum decimo, Erat Petrus in Toppe orans. dicit Augustinus: Oratione melius soluuntur dubia, quam inquisitione alia. Item ad amorem Dei inflammat. Vnde 4. Regum. Descendit ignis de celo ad orationem Eliae. Item mundat. Hieronymus: Orationibus mundamur. Item confortat. Luc. 22. Postquam genibus orabat dicens, Pater &c. Et subditur: Apparuit autem illi angelus de celo, confortans eum. Bernardus ad fratres de monte Dei: Amorem Dei oratio illuminat & confortat. Mariae consolationes ab amicis Dei in orationem recipiuntur. Eccl. 15. Qui adorat Deum in oblectatione, suscipietur. Luc. 9. Ascendit Iesus in montem, vt oraret: & facta est, dum oraret, speciem vultus eius altera, & vestitus illius albus resurgens. Item oratio etiam ad tranquillitatem valet. 1. Timot. 1. Obsecro primum omnium fieri obsecrationes, &c. vt quietem & tranquillam vitam agamus. Job 8. Si diluculo consurrexeris ad Deum, & omnipotentem fueris deprecatus, statim euigilabit ad te, & paratum reddet habitaculum tuum. Nec solum oratio operatur in terra, sed etiam in celo. Augu. Magna virtus orationis, qua effusa in terra operatur in celo. Ipsa calum aperit. Luc. 4. Iesu baptizatum & orante, apertum est calum. Ipsa etiam calum claudit, vt patet in oratione Eliae, 3. Reg. 18. Iac. vltim. Multum valet deprecatio iusti assidua. Elias, homo erat similis nobis, passibilis, & oratione orauit &c. Oratio etiam Deum mitigat. Vnde sup illud Tob. 3. vbi dicitur, quod tribus diebus & tribus noctibus non manducauit neque bibit: sed in oratione persistens cum lacrymis deprecatus.

deprecab  
git: haec v  
Dei prote  
rela depr  
tionem  
Oratio  
Exod. 32.  
gotius: Q  
am pra  
gnose q  
44. Non  
te. Iere. 7  
dem & o  
cutia qu  
aureas pl  
Oratione  
promiss  
seruine su  
i Patro  
tione, cre  
Item Io.

A D  
Anē  
Deū. Or  
impertra  
valet ad  
audiuit  
facit sac  
preparat  
Prius ac  
Et non  
qua, qua  
mo que  
tra eccle  
cantium  
de à De  
aut etia  
angusti  
in praec  
poteft

deprecabatur Deum. dicit glo. Oratio Deum lenit, lacryma cogit. hac vngit. illa pūgit. Oratio velut quoddam scutum ab ira Dei protegit. Vnde Sapientia capit. 18. Properans homo sine querela deprecari pro populis, proferens seruitutis suæ scutum orationem, & pex incensum deprecationem allegans, resistit ira. Oratio quodammodo, tenet Deum, & habet in protestate sua. Exod. 32. Dimitte me vt irascatur furor meus contra eos. Gregorius: Quid est dicere seruo, Dimitte me, nisi deprecandi aulam præbere: quasi diceret, Pensa quantum ad me valeas, & cognosce quia obtinere poteris quicquid pro populo oras. Esaiæ. 44. Non est qui inuocet nomen tuum, qui confurgat & teneat te. Iere. 7. Noli orare pro populo hoc, & ne assumes pro eis laudem & orationem, & non obsistas mihi. Item oratio cælestem certiam quasi quadam redolentia delectat. Apoc. 5. Habebant phialas aureas plenas odorem, quæ sunt orationes sanctorum. Oratione sancti impetrant apud Deum quod volunt, secundum promissiones à Christo factas. Matt. 18. Si duo ex vobis consenserint super terram, de omni re quamcunque petierint, fiet illis à Patre meo. Eiusdem 21. Omnia quæcunque petieritis in oratione credentes, accipietis. Et Luc. 11. Petite, & dabitur vobis, & c. Item Io. 16. Petite, & accipietis.

*De preparatione Orationis. CAP. IIII.*

**A**d preparationem orationis monemur. Eccl. 18. Antè orationem prepara animam tuam, & noli esse quasi homo qui tentat Deum. Oras tunc Deum tætare viderur, quum illud pro quo orat, nec impetrare desiderat, nec se accepturum sperat. Preparatio multum valet ad hoc vt oratio exaudiat. Psa. Preparationem cordis eorum audiuit auris tua. Huius preparationis figura est, preparatio quam facit sacerdos celebraturus induendo se sacris vestibus. Itè hæc preparationem nobis comendat templi edificatio, & ornatus ipsius. Prius edificauit Salomō templum, deinde ad Deum orauit. 2. Reg. 3. Et notandum quod duplex est preparatio ad orandum: quaedam propinqua, quaedam remota. Ad remotam preparationem pertinet, primo quod homo bene viuat. Greg. super Iob: Sunt nonnulli in terra ecclesiæ, qui prolixas ad Deum preces habent, sed vitam deprecantium non habent. Item in Dialog. Quid mirum si postulantes, tardè à Domino exaudimur, qui præcipientem Dominum tardè aut etiam nullo modo audimus? Idem in Moralibus: Clamorem angustie tempore Dominus non audit, quia tranquillitatis tempore in præceptis suis ipse clamorem dominum non audiuit. Isid. Non potest habere precum certam fiduciam, qui adhuc in præceptis Dei

Dei

Dei pigritat, & quem peccandi recordatio delectat. Quia precibus Dei auertitur, quod in oratione postulat non meretur. Si id quod Deus præcepit facimus, id quod petimus sine dubio obtinemus. 1. Io. 3. Si cor nostrum non reprehenderit nos, fiducia habemus ad Deum, quicquid petierimus accipiemus ab eo, quæ mandata eius custodimus. Aug. in li. de opere monach. Citius auditur vna obediens oratio, quam decem millia contempciosa. Psal. Oculi domini super iustos, & aures eius in preces eorum. Secundum Isidor. necessarium est vt oratione operatio, & opere faciat oratio. Moyses oratione pugnans contra Amalech manus habebat ad Deum leuatas. Exo. 17. Thren. 3. Leuemus corda nostra cum manibus ad Dominum. Isidor. Cor tuum manibus leuas, qui oratione cum opere subleuat. In Psal. Eleuatio manuum meorum sacrificium vespertinum. Quod sacrificium erat dignitas. Tim. 2. Volo viros orare in omni loco, leuantes puras manus. Item ad preparationem remotam specialiter videntur pertinere ieiunium & elemosyna, quæ specialiter iuuat orationem. Vnde cum thure, in quo significatur orationis deuotio, offerunt Magi aurum, in quo significatur elemosyna: & myrrham, in qua significatur carnis maceratio, quæ est per ieiunium. Matth. 2. Hæc sunt duæ animæ orationis, de quibus loquitur Isidor. Tob. 12. Bona est oratio cum ieiunio & elemosyna. Qui ieiunio corpus suum macerat, dum miseriam assumit, Dei misericordiam provocat, & sic orationem iuuat. Daniel. 9. Posui faciem meam ad Dominum Deum meum rogare & deprecari in ieiunio, sacco & cinere. Qui verò elemosynam dat, dum misericors proximo existit, Deum sibi misericordem inuitat. Matth. 5. Beati misericordes, quoniam ipsi misericordiam consequentur. Esa. 58. Frange esurienti panem tuum, &c. Tunc inuocabis, & Dominus exaudiet clamabis, & dicet, Ecce adsum, quia misericors sum Dominus Deus tuus. Qui vult aliquid ab aliquo impetrare, premitur muñera vt facilius impetret. Eccles. 39. Conclude elemosynam in sinu pauperis, & hæc exorabit pro te. Item ad preparationem remotam videtur pertinere confessio homini facta. Iaco. 5. Confitemini alterutrum peccata vestra, & orate, &c. Et sacerdos celebraturus missam facit generalem confessionem. Ad propinquam verò preparationem, Primò videtur pertinere reuocatio cordis ab exterioribus ad interiora cum retentione eius. Matt. 6. Tu autem quum oraueris, intra in cubiculum tuum, & clauso ostio ora Patrem tuum, &c. Ingressus in cubiculum, est cor-

Quia prece  
 meretur  
 obedit. Id  
 sine dubio  
 fiducia  
 eo, quod  
 h. Citius  
 tempore  
 ces cordi  
 opere fu  
 ech man  
 corda no  
 leuat, qui  
 uum me  
 dignius  
 ras man  
 ur perne  
 cione. Vn  
 runt Magi  
 a, in qua  
 larth. i. He  
 r. Tob. n  
 nio corpus  
 diã proce  
 meam ad  
 nio, faco  
 s proximo  
 ati milite  
 58. Frãge  
 exaudiet  
 Dominus  
 mittit mu  
 ofynam in  
 arationem  
 Iaco. vii.  
 Et facer  
 nem. Ad  
 nere reuo  
 one eius  
 i, & clau  
 a, est cor  
 dis

is reuocatio. Clausio ostij, est cordis retentio. Fatuum est Deū  
 uocare vt ad se veniat, & gratiæ elemosynam cōferat, si ho  
 mo eum non expectat. Bernard. Omnes nobis plangimus deesse  
 gratiam: sed iustius ipsa gratia conqueritur nonnullos deesse  
 gratiam. Idem: Sic pauperes cū multis clamoribus inuocatus fuerit  
 tributor elemosynarum, diuerticula captat. Isid. Purgandus  
 est primū animus, atque à temporalium rerū cogitationibus se  
 regandus, vt pura acies cordis ad Deū verè & simpliciter diri  
 gatur. Idem: Pura est oratio quā in suo tempore seculi nō inter  
 rumpunt cura. Lōge autē à Deo est animus qui in oratione cogi  
 tationibus seculi fuerit occupatus. ¶ Secundo, pertinet ad pro  
 priam præparationem consideratio sui ipsius. Bern. ad fratres  
 de mōre Dei: Debemus nosmetipsos corā Deo cōstituere, quasi  
 facie ad faciē, & in lumine eius prospicere tribulationē de no  
 bis ipsius nobis venientem. Isidor. Quum Deo assistimus, gemere  
 ferere debemus, reminiscētes quā grauiā sunt quæ commisi  
 mus, quā dura inferni supplicia quæ timemus. Dicebat quidā,  
 quod latrones & tyranni docuerant eum orare. Latro attendēs  
 quid fecit, & quod tormētum sibi præparatū sit, inter hæc duo  
 cum multis lachrymis misericordiā petit. Tyranni verò ea quæ  
 sunt miserabiliora in eis improbissimè ostendunt, & quæ sana  
 sunt abscedunt, vt magnitudo misericordiæ ad misericordiam  
 accedat. 1. Reg. 8. Si quis cognouerit plagam cordis sui, & exten  
 dit manus suas in domo hac, tu exaudies in cælo. Ex conside  
 ratione peccatorū prouenit luctus, qui multū valet in oratione, vt  
 superius ostēderur. Isido. Peccatorū recordatio mōrōrē gignit:  
 luctus verò mentē puriorē reddit, quod sic valet ad hoc vt ora  
 tio exaudiat. Aug. Munda tantum cubiculum cordis, intus est  
 qui exaudiet. Et super illud Psal. Iniquitatem si aspexi in corde  
 meo, nō exaudiet Dominus: dicit gl. Puritas orationis auditur.  
 Libanus Hebræa lingua candor interpretatur, Lingua verò  
 Græca thus. Cādor enim puritatis, & deuotio orationis quæ in  
 pure designatur, congruē sibi iugitur. Itē ex consideratione pec  
 catorū humilitas prouenit, quæ multū iuuat orationē Eccl. 35.  
 Oratio humiliāris se nubes penetrabit. Itē consideratio status  
 periculosi multū valet ad augmentū desiderij. Magnitudo verò  
 desiderij multū iuuat orationē ad hoc vt exaudiat: vt inferi  
 parabit. ¶ Tertio, pertinet ad præparationē propinquā, vt atten  
 datur ad eum cui sacrificiū orationis offert. in Psal. Vacate &  
 videte, quoniam ego sum Deus. Multū deberet nos reddere at  
 tentos in oratione hoc, quod cū Domino maiestatis loquimur.  
 Gen.

Gen. 18. dicit Abrahā: Loquar ad Dominū meū, cum sim pulvis  
& cinis. Bernar. loquens de proficiente: Admonendus est, in qua  
quanta potest puritate cordis intēdere in eum, cui sacrificium  
orationis offert, seipsum intēdere qui offert, intelligere qui  
offert. Quantū enim videt vel intelligit illū cui offert, tantū  
ei in affectu. Sicut secūdū ligna syluæ exardescit ignis. Eccl. 1.  
Sic secundum diuersas meditationes de Deo, sequuntur diuer-  
sæ affectiones. Meditationem iustitiæ diuinæ sequitur affectio  
timoris: meditationem misericordiæ, affectio spei: meditationem  
sapiētiæ omnia videntis, affectio erubescētiæ: meditationem be-  
nitatis vel beneficētiæ, affectio gratitudinis vel amoris: medi-  
tationem suauitatis diuinæ, affectio quæ potest dici sancta estus.  
Secundū verò affectū mentis sequitur affectus orationis. Augu-  
stinus de orādo Deo, ad Probam: Dignior, inquit, sequetur esse  
affectus quem feruētiōr præcedit affectus. Affectio spei specialiter  
valet ad impetrādū. Bern. Quatenus in bonis Domini pedē  
ciæ porrexeris, eatenus possidebis. Idem: Nihil omnipotentem  
verbi clariorem reddit, quā quod omnipotentes faciunt omnia  
qui in se sperant. Denique omnia possibilis sunt credēti. Voluit  
Christus, orantes specialiter attendere, quod Deus pater, Deus  
deorū est, vt fiducia haberēt impetrandi quod peterent. Natu-  
le enim dignoscitur esse pateris, filius vltra prouidere. Unde  
dixissent discipuli ei: Domine, doce nos orare: Respondit, Cum  
oratis, dicite: Pater noster. Luc. 11. Et in eodem, Si vos cum  
in mali, nostis bona dare filiis vestris: quanto magis Pater  
ster celestis, dabit spiritum bonum petentibus se? Et Io. 16. Si  
quid petieritis Patrem in nomine meo, dabit vobis.

*De impedimentis Orationis. CAP. V.*

**D**ixit abbas Euagrius: Magnū est quidem sine impedimen-  
to orare, mai⁹ etiā est psallere, sine impedimēto. Dicitur  
abbas Agathon: Nullū laborē tantū esse in religione, quantum  
orare Deū. Diabolus enim nullū opus tantū conatur interrūpe-  
re, quantum orationē deuotā. Aliud enim opus quousq; perfici-  
tur habet aliquā requiē, oratio autem nullam. Et possunt enu-  
merari duodecim impedimenta orationis. ¶ Primū est, peccata  
orantis. Esa. 1. Quum multiplicaueritis orationes vestras, non  
exaudiā: manus enim vestre sanguine plene sunt. In Psal. Iustici-  
tatem si aspexi in corde meo, nō exaudiet Dominus. Esa. 59. Peccata  
vestra absconderunt faciem eius à vobis ne exaudiret. Ierem.  
5. Peccata vestra prohibuerunt bonū à vobis. Thren. 3. Nos in  
quē egimus, & ad iracundiam prouocauimus: idcirco inexora-  
bilis es. In  
Scimus c  
oratis du  
de hāstra  
Domini  
qui Deu  
tur quod  
expedien  
nomine n  
Marr. 20.  
ibus hor  
non expe  
in in fir  
petendo  
no, & nō  
to quod  
prouiden  
silet par  
darat ill  
ad profe  
7. & 11. N  
& ratio  
& Samu  
Vitis pa  
nicatio  
frequē  
ostendit  
Vidit en  
tionis in  
iplum et  
indigna  
proster  
tur in co  
esse q; i  
est disc  
tu ipse  
gās Do  
ctus est  
¶ Qui  
scā mo  
bat Ab

bilis es. In eodem: Opposuit tibi nubē, ne trāfirer oratio. Io. 9. Scimus quia Deus peccatores non audit, &c. ¶ Secundum est orātis dubitas. Iac. 1. Postulet in fide, nihil hāsītās. Et subditur de hāsītante: Non aestimet homo ille, quod accipiat aliquid à Domino. Bern. Indignus cœlesti benedictione esse conuincitur, qui Deum dubio quærit affectu. ¶ Tertium est, quod non petatur quod petendū est: quia scilicet vile est quod petitur vel non expediens petenti. Io. 16. Vsq̄ modo non petistis quicquam in nomine meo. glo. quod aliquid sit comparatione rei permantis. Marr. 20. Nescitis quid petatis dictum est filiis Zebedæi petentibus honorem. Et Paulo petenti amotionem stimuli quæ sibi non expediebat, dictum est: Sufficit tibi gratia mea: nam virtus in infirmitate perficitur. Ideo frequenter ecclesia nō exauditur petendo amotionem tribulationum. Esa. 26. Misereamur impio, & nō discet facere iustitiam. Iac. 4. Petitis & non accipitis, eo quod male petatis. Isidor. Multi orantes non exaudiuntur: prouidet enim Deus illis meliora quàm petūt. Sicut contingere solet paruulis, qui ne in scholis vapulent, Deū exorant: sed non datur illis postulationis effectus, quia impedit talis exaudicio ad profectū. ¶ Quartū est, indignitas eius pro quo oratur. Iere. 17. & 11. Noli orare pro populo isto, neque assumes pro eis laudē & rationem: quia nō exaudiam. Eiusdem 15. Si steterint Moyles & Samuel corā me, non est anima mea ad populum istum. ¶ In vitis patrum quidam frater pariebatur molestiā à spiritu fornicationis, & abiit sæpe ad seniore[m] vt pro se oraret. Cumque frequēs oratio senioris eum nō iuuaret, Dominus nocte seniori ostendit negligentiam fratris esse in causa quare nō exaudiretur. Vidit enim senior monachum sedentem, & spiritum fornicationis in diuersis formis mulierum ludentem apud ipsum, & ipsum eū eis delectari. Vidit etiam angelū Domini astantem & indignantē grauitē cōtra eundē fratrem, quia non surgebat nec prosternebat se in orationibus ante Deū, sed magis delectabatur in cogitationibus suis: cognouit ergo senior culpam fratris esse q̄ ipse nō exaudiebat pro eo, & dixit fratri: Impossibile est discedere à te spiritū fornicationis, aliis pro te orātib[us], nisi tu ipse labore assumes in ieiuniis & orationibus, & vigiliis, rogās Dominū cum gemitu. Audies frater verba senioris, cōpunctus est corde, & per afflictionem corporis meruit misericordiam. ¶ Quintum est, cogitationū malatum multitudo. Eccl. 10. Mulier morientes perdunt suauitatem vnguenti. Genes. 15. Abigebat Abraham volucres à sacrificio. 1. Machab. 2. Templum eius sicut

sicut homo ignobilis. Templum spirituale est vt homo ignobilis, cum immundis cogitationibus occupatur. ¶ Sextū est contemptus diuinæ legis. Prou. 28. Qui declinat aurē suam ne audiatur legem, eius oratio erit execrabilis. Prou. 1. Inuocabunt me, & non exaudiam, &c. eò quòd exosam habuerūt disciplinā. ¶ Septimū est, durities. Quæ duplex est: quædam in pauperes, de qua Prouc. 21. Qui obturat aurem suam ad clamorem pauperis, clamabit ipse, & non exaudietur. Alia est ad eos qui offenderunt, quum aliquis non vult eis remittere. Eccle. 28. Relinque prope tuo nocenti te: & tunc deprecanti tibi peccata soluentur. In eodem: Homo homini seruat iram, & à Deo querit misericordiam. Marc. 11. Cū stabitis ad orandū, dimittite si quid habetis aduersus aliquē, & Pater vester qui in cælis est, dimittet vobis peccata vestra. Quòd si nō dimiseritis, nec Pater vester cælestis dimittet vobis peccata vestra. ¶ Octauū est, peccati additio. Eccl. 34. Vnus orans, & vnus maledicens: cuius vocē exaudiet Dominus? Opus malum orationi additum est quasi quedam maledictio vel mali imprecatio, quæ orationi aduersatur. Qui peccata addit, quasi elōgat se à Deo: & ideo difficilius à Deo exaudietur. Psal. Qui elōgant se à Deo, peribūt. Item: Prolongauerunt iniquitatem suam. Esa. 55. Inuocare eum dum prope est. Iaco. 4. Appropinquate Dominō, & appropinquabit vobis. Deo appropinquat, qui à malo opere cessat. De hoc impedimento & præcedenti, tangit Isidorus, dicens: Duobus modis oratio impeditur ne impetrare quisquam valeat postulata: hoc est, si aut quisque adhuc mala committit, aut si delinquenti sibi debita non dimittit. Idē: Sicut nullū proficit in vulnere medicamentū, si adhuc ferrum in eo sit: ita nihil proficit oratio illius, cuius adhuc dolor in mente vel odiū manet in pectore. ¶ Nonum est, diaboli suggestio, quæ multos ab oratione retrahit. Vnde Greg. in dialog. In quadā abbatia Pompeiani abbatis, quidam monachus nō poterat stare in oratorio in oratione, sed semper exiuit, qui saepe correptus noluit se emēdare. Sed cum quadam die beatus Benedictus venisset ad eum corripiendū, vidit quendam nigrū puerulum tenentē eum per simbriam vestimenti. Cumq; orassent per biddum Benedictus, Pompeianus & Maurus, illi tres viderūt puerulum illū, & beatus Benedictus monachum verberare corripuit, & dæmon recessit, ac si ipse esset verberatus. ¶ Decimum est, prauitas desiderij. Aug. Seruat tibi Deus quod non vult tibi citò dare, vt discas magna magnè desiderare. Greg. in Moralibus: Eternam vitam si ore petimus, nec tamen corde desideramus clamantes

mātes tacemus. Psal. Tacui dū clamarē tota die. ¶ Undecimū est, petēris impatiētia. 1. Reg. 28. Cōsultit Saul dñm, qui nō respōdit ei. Et sequitur: Dixitq; Saul: Quærite mulierē habentē pythōnē. Iud. 9. Humiliū & mansuetorū semper tibi placuit deprecatio. ¶ Duodecimū est defectus perseverantiæ in orando. Luc. 11. Si perseverauerit pulsans, &c. Psal. Benedictus Deus, qui non, &c. Aug. Si non est amora oratio, securus esto, q̄ nec misericordia.

*Quando sit orandum.*

CAP. VI.

**T**empus orandi Dominus determinat Luc. 18. dicens: Oportet semper orare, & nō deficere. Et eiusdem 21. Vigilate, inquit, omni tempore, &c. Nō debet miles Christi scutum orationis mouere dum bellum durat. Bellū autem durat, quum durat vita præsens: militia enim est vita hominis super terram. Iob 7. Sap. 18. Homo sine querela proferens suæ seruitutis scutum orationem resistit iræ. 1. Thess. 5. Sine intermissione orate. Pericula nunquā desunt, idēo continuē indigemus Dei adiutorio. Nunquam deest miseria, idēo continuē indigemus Dei misericordia. Ideo si fieri posset, semper esset orandum. Sed quia alia negotia hoc nō permittunt, præmittenda est oratio operibus notis, & etiā intermiscenda. Hieronymus ad Paulam: In principio cuiuslibet operis præmitte dominicā orationem, & signum crucis in fronte. Idem: Sicut militem sine armis ad bellū exire non conuenit: ita homini Christiano procedere non licet quolibet sine oratione. Bernard. Hauriendus est, sæpe lectionis serie affectus, & formanda oratio quæ lectionē interrumpat. Hiero. Orationi lectio, lectioni succedat oratio. Breue videbitur tempus, quod tantis operum varietatibus occupatur. Oratio & gratiarum actio deberent magnam partem vitæ nostræ occupare. Oratio opera nostra deberet præcedere, gratiarū actio sequi. Cū videmus mala vel in nobis, vel in aliis, orandū esset. Cū videmus bona in nobis, vel in aliis gratiarū actioni esset instādum. 1. Thess. 5. Sine intermissione orate, in omnibus gratias agite. Bern. ad fratres de monte Dei: Charitas tot modis in oratione, vel gratiarum actione in Deū se iugiter refundit, quot in suis, vel necessitatibus, vel consolationibus, in proximi etiam, vel compassionibus, vel congratulationibus causales in hoc materias inuenit pius affectus. Orationi verō præcipuē intēdendum est, vel cū maior est necessitas, vel maior tēporis opportunitas. Maior necessitas orādi est, vt cū aliquam gratiā à Deo recepimus. Tunc enim instandum est apud eum, qui dedit eam, vt nobis cōseruet: quia vt ait Greg. citò bonū amittitur, nisi à lar-

G

giente custodiatur. Poëta: Non minor est virtus, quàm quærere, parta tueri. ¶ Quanto aliquis plus habet quod possit amittere, tanto diligentior & magis sollicitus debet esse de conseruatione. Ideo dominus sacramento baptismi suscepto, orationi se dedit. Luc. 3. Item necessitas orãdi est, cum aliqua ardua opera facturi sumus. Ideo dominus electurus apostolos orationem præsumit. Luc. 6. Item necessitas orandi est, cum imminet tribulatio, vel sibi, vel proximo. Vnde dominus imminente passione sua, orauit. Matt. 26. Et oratione suam multum protendit. Luc. 22. Factus in agonia prolixius orabat. Et Matt. 13. legitur quod ascendit in montem orare: & inuenitur causa illius orationis, quæ subditur: Nauicula autem in medio mari iactabatur fluctibus. De temporis vero opportunitate notandum, quod Ber. ostendit tres horas dici multum opportunas esse orationi, dicens fratribus de nocte Dei: Extra illas horas de quibus dicit propheta, Septies in die laudem dixi tibi: matutinam aut vespertinam, aut mediam noctis sacrificium maxime obseruandum est. Non enim ait Propheta frustra, Mane astabo tibi, & videbo, sed quia tunc à curis extremis adhuc sumus ieiuni. Et dirigatur oratio mea sicut incensum in conspectu tuo: eleuatio manuum mearum sacrificium vespertinum: quia tunc ab huiusmodi impedimentis inuenimur discessisti, qui etiam in nocturnis vigiliis nostris, quibus media nocte surgimus ad confitendum nomini domini, confessionis eundem ordinem cõtexens: In die, inquit, tribulationis mer Deum exquisiui manibus meis in nocte contra eum. Et alibi in Psal. Media nocte surgebam ad confitendum tibi. ¶ Ad orandum mane mouemur exemplo Christi, Mar. 1. Diluculo valde surgens Iesus, egressus abiit in desertum locum: ibique orabat. ¶ Ad orandum vespere, Matt. 14. vbi sic legitur: Dimissa turba, ascendit in montem solus orare: vespere autem facto, solus erat ibi. ¶ Ad orandum nocturno tempore, Luc. 6. Vbi legitur quod erat pernoctans in oratione. Efficaciam matutinæ orationis ostendit Iob 8. Vbi dicitur: Si diluculo confurrexeris ad Deum, & omnipotentem fueris deprecatus, statim euigilabit ad te. Et filij Israël mane colligebat manna. Exo. 16. Dulcedo enim Spiritus sancti tali hora impetranda est. Sap. 16. Oportet præuenire solem ad benedictionem tuam. Consueuerunt diuites elemosynam dare pauperibus qui mane eis primo occurrit. Item tempus opportunum ad orandum est dies Parasceues, in qua Dominus adeo largus fuit, quod matrem suam dedit Ioanni, regnum latroni, corpus & animam pro redemptione humano generi. Ideo ecclesia illo die pro omnibus

orari, Iudæis, paganis, schismaticis, hæreticis. Itē tempus opportunum est ad orandū ante Ascensionem domini, quando aduocatus ecclesiæ, secundū representationem nostram, vadit ad curiam celestem. tunc enim formandæ sunt petitiones. Itē tempus opportunū ad orandum est tempore medio inter Ascensionem & Pentecostē. Consueuerunt enim filij regū dare larga munera suscepto regno. In Psal. Scitote quoniā mirificauit dominus sanctum suū, Dominus exaudiet me, cum clamaero ad eum. Item tempus idoneum ad orandū est in magnis solemnitatibus. Consueuerūt enim principes in festis magnis magna munera dare.

*Vbi sit orandum.*

CAP. VII.

**N**otandum, q̄ vbiq; orandū est, cum vbiq; sint pericula, & vbiq; Dei auxilio indigeamus. 1. ad Timot. 2. Volo viros orate in omni loco, leuātes puras manus. Sap. 14. Creaturæ Dei in odium factæ sunt, & in tentationē animæ hominū, & in multisculā pedibus insipientiū. Specialiter locus idoneus ad orandum, est locus secretus. Isid. de Sūmo bono: Oratio priuatis locis opportunius funditur. Mat. 6. Tu autē cum oraueris intra in cubiculū tuum, & clauso ostio ora Patrem tuum. Eiusdē 14. Christus dimissa turba ascēdit in mōrem solus orare. Et Mar. 1. dicitur quod abiit in desertū locum, ibiq; orabat. Et Luc. 22. Auulsus est à discipulis suis quātum iactus est lapidis, & positus genibus orabat. Item locus idoneus ad orandum est templum materiale Deo dedicatū. Matr. 21. Domus mea domus orationis vocabitur. 1. Reg. 9. Exaudiui orationē tuā, &c. sanctificaui domū istā, &c. & erunt ibi oculi mei, & cor meū cunctis diebus. 2. Parap. 7. Oculi mei erunt aperti, & aures meæ erectæ ad orationē eius, qui orauerit in loco isto. Et subditur: Elegi, & sanctificaui locū istum: vt sit nomē meū ibi in sempiternū, & permaneant oculi mei, & cor meum ibi cunctis diebus. In eodem: Quum cōpleisset Salomon fundēs preces: ignis descendit de cælo, & deuorauit holocausta, & victimas, & maiestas domini repleuit domū. Exod. 40. Postquā cūcta perfecta sunt operuit nubes tabernaculum testimonij, & gloria domini impleuit illud. Christus multū frequētabat templū materiale. Luc. 19. Erat quotidie docēs in templo. Et eiusdē 21. Erat cūctis diebus docens in templo. In templo inuētus est à matre sua. Luc. 2. & ait: Nesciebatis quia in his que sunt Patris mei oportet me esse? Eiusdē 19. Intrauit Iesus in templum. Chrys. Propriū erat boni filij, vt veniens primū ad domum curreret patris. Tu autē imitator Christi factus, intras ciuitatē, primū ante omnes actus ad ecclesiā curras. & su-

per Matth. 22. Dicit glo. Ingressus urbem primò templum adit, dans formam religionis, vt quocūq; imus. domū orationis, si sibi est, primum adeamus, & per orationes Deo commendari agenda negotia secedamus. Item locus idoneus ad orandum est templum spirituale, scilicet cor mundum & purum. Cor carnale vel malignum, stabulum, vel spelunca latronum potius esse videtur, quàm templum. 1. ad Corin. 3. Templum Dei sanctum est, quod estis vos. Psal. Domum tuam decet sanctitudo. 3. Reg. 6. Nichil erat in templo quod non auro regeretur. 1. ad Cor. 3. Nescitis quia templum Dei istis, & Spiritus Dei habitat in vobis? Ioh. 4. Spiritus est Deus: & eos qui adorant eum, in spiritu, & veritate oportet adorare. 1. ad Cor. 14. Orabo spiritu, orabo & mente.

*Quo modo sit orandum.*

CAP. VIII.

**A** Trente orandum est. Vnde super illud 1. Pet. vlt. Vigilate in orationibus, dicit Gloss. Non animus cogitet aliquid praeter id solum quod precatur. Indiscretè orare videtur, qui Deum precatur, vt ei intendat: ipse verò nec sibi, nec Deo intendit, sed quod deterius est, in munda in corde versando fectorem hominilem aspectu Dei ingerit. Reuocare debet cor suum, qui vult orare. 2. Reg. 7. ait David: Inuenit seruus tuus cor suū, vt oraret. Potius orandū est corde, quàm ore. 1. Reg. 1. Anna loquebatur in corde suo, & vox illius penitus nō audiebatur. Matth. 6. Orantes autem nolite multū loqui. Aug. Diu orare cūm vacat, nō est in probum neque inutile: neque enim hoc est orare in multiloquio, si diutius oretur: aliud est sermo multus, aliud diuturnus affectus. Nam & de ipso domino scriptum est, quòd pernoctauerit in oratione. Luc. 6. Absit ab oratione multa locutio, sed nō desit multa precatio, si seruens perseuerat intentio. Nam multū loqui in orando, est rem necessariā superfluis agere verbis. Multū autē precari est ad Deū quem precamur diuturna, & pia cordis excitatione pulsare: quòd plerunq; plus gemitibus, quàm sermionibus agitur. Item orandum est cum magnitudine desiderij. Deut. 4. Cūm quæseris dominum Deum tuum, inuenies eum: tamen toto corde quæseris. Iere. 19. Cūm quæseritis me in toto corde vestro, inueniar à vobis. Magnitudo desiderij clamor est quem Deus exaudit. De quo clamore. Exod. 14. Quid clamas ad me: dicit dominus ad Moysen. Et Dan. 13. Exclamauit voce magna Susanna. Dilatio desiderij est quasi preparatio cordis, vt sit capax eius q̄ petitur. Aug. Cur petere, quætere, pulsare nos cōpellit, qui nouit quid nobis sit necessarium priusquā peramus: nisi quia voluit exerceri nostrum desiderij in orationibus, quòd

possimus capere, quod præparat dare? Item Augu. Si aliquando dominus tardius dat, cõmendat dona non negat. Diu desiderata dulcius obtinentur: cito autem data vilescunt. Seruat tibi Deus, quod non vult citò dare, vt tu discas magna magnè desiderare. Item orandũ est cum gemitu, & lacrymis. Exo. 2. Audiuit gemitum eorum. 1. Reg. 1. Cum esset Anna amaro animo, orauit ad dominum fens largiter. In Ps. Auribus percipe lacrymas meas. Gl. Quæ lacrymæ violentæ sunt in precibus. Eccl. 35. Non despiciet preces pupilli, nec viduam si effundat loquelam gemitus. Et eodem subditur de lacrymis viduæ: A maxilla vsque ad cælum ascendunt. Esa. 37. Audiui orationẽ tuam, & vidi lacrymas tuas. Osee 12. dicitur de Iacob luctate cum angelo: Fleuit & rogauit eum. Et Iudith 8. Indulgentiã illius fuis lacrymis postulemus. Heb. 1. Preces supplicationesque eũ clamore valido, & lacrymis effertis, exauditus est pro sua reuerentia. ¶ Item orandũ est humiliter. Psal. Respexit in orationem humiliũ, & nõ spreuit preces eorũ. Eccl. 35. Oratio humiliãtis se nubes penetrabit. Iudith 9. Humiliũ & mansuetorum semper tibi placuit deprecatio. Humilitate obtinuit Chananæa à Christo quod voluit, catello se cõparans, cum Christus eã cani comparasset. Mat. 15. & Marc. 7. habetur quòd Christus ei dixerit, Propter hunc sermonẽ vade, cauit demoniũ de filia tua. Mat. 8. Post illud verbũ humile Cõtentionis, Domine nõ sum dignus, vt intres sub testũ meũ: dictũ est ei à Christo. Sicut credidisti, fiat tibi. Et Luc. 15. Postquã fili⁹ prodigus dixit, Non sum dignus vocari filius tu⁹: pater accurrens cecidit super collũ eius. ¶ Itẽ orandum est confidenter sicut orabat David, Miserere, inquit, mei, quoniam in te cõfidit anima mea. Item orandũ est perseveranter, vt ostendit dominus Luc. 11. exemplo amici qui panes necessarios accõmodauit, improbitate amici deprecãtis deuictus. Et exemplo iudicis iniqui Deũ nõ timentis, & homines nõ reuerẽtis, qui improbitate viduę victus, vindictã fecit ei de aduersario ipsius. Lucę 8. Apostoli perseverãdo in oratione, Spiritum sanetum accipere meruerunt. Act. 1.

*Quid in oratione sit petendum.*

CAP. IX.

In oratione petẽda sunt, gloria & gratia: siue regnũ & iustitia regni. Matth. 6. Primũ quærite regnũ Dei, & iustitiam eius, & hæc omnia adiicientur vobis. Nõ monet dominus, vt tẽporalia quærãtur. ¶ Primò, quia nõ sunt digna peti. Bona infima sunt, & incuruantur, qui amant, & quærunt ea. Quæ incuruatio demõnibus placet. Esa. 51. Incuruate, vt trãseamus. Bern. Noli acquiescere dilecti, Incuruate, vt trãseamus: non enim est transiturus,

G 1

sed te grauiter oppressurus. In Psal. Miser factus sum, & curu-  
tus sum vsque in finem. ad Col. 3. Quæ sursum sunt querite, nō  
quæ super terram. ¶ Secundo quia tēporalia debentur his qui ha-  
bēt iustitiā regni. Iustitia enim regni filios facit. Filiis vero de-  
betur prouisio. Vnde super illud, Et hæc omnia adiciētur vobis  
dicit gloss. Quia omnia sunt filiorum, & ideo hæc omnia ad-  
diciētur etiā non quarentibus, quibus si subrahuntur, ad pro-  
tionem est, si dantur ad gratiarū actionem. ¶ Tertio, quia nescit  
homo utrum sibi expediat tēporalia habere, cum vt frequenter  
possessoribus suis noceant. Prou. 1. Vsquequo stulti ea quæ sunt  
noxia cupient? Et super illud 1. ad Cor. 13. Virtus in infirmitate  
perficitur. Dicit gl. Augu. Cum ea quæ Deus laudat & promittit  
petitis, ab illo securi petite: illa enim propitio Deo cōceduntur.  
Quando autem petitis tēporalia, cum modo petite, & cum te-  
more illi committite: vt si profint det: si seic obesse, nō det. Qui  
enim obicit vel proicit medicus nouit, non aegrotus. Item noce-  
dum, quod super illud Matth. 26. Et orauit tertio eundē seme-  
nem dicens. tangit glo. tria à nobis petenda. Tribus vicibus in-  
quit, orauit, vt & nos à præteritis peccatis veniam, à presentibus  
malis tutelam, & à futuris periculis cautelā oremus. De primo  
Eccl. 38. Fili, in infirmitate tua ne despicias te ipsum: sed ora do-  
minum, & ipse curabit te. De secūdo, Matth. 26. Vigilate & orate  
vt non intretis in tētationem. De tertio, Luc. 3. Vigilate in omni  
tempore, orantes vt digni habeamini fugere quæ ventura sunt.  
Item notandum quod in oratione petere possumus vt Deus con-  
stodiat nos ab occasione peccandi. Exemplo Salomonis dicitur  
Prouer. 30. Mendicitatem & diuitias ne dederis mihi, sed eribe  
tantum victui meo necessaria, ne fortē illiciar ad negandum, &  
dicam, Quis est dominus? aut egestate compulsus furer, & peti-  
iorem nomen domini mei. Item possumus in oratione petere  
id quod dat nobis occasionem salutis: vt eos qui nos recte in-  
struant, secundum admonitionem Christi. Matth. 9. Rogate do-  
minum messis, vt mittat operarios in messem suam.

*De speciebus Orationis.*

C A P. X.

**O**ratio potest diuidi in orationē fructuosam & infructuo-  
sam. Fructuosa oratio multas habet species. Quædam enim  
fit verecundo, & humili affectu. Qualis fuit oratio publicani, qui  
non audebat oculos suos in cælum leuare. Luc. 18. Item talis fuit  
oratio filij prodigi, qui ait ad patrem suum: Pater peccaui in oculis  
coram te, iam nō sum dignus vocari filius tuus. Lu. 15. Verecundus  
multū placet Deo in penitente, sicut imprudētia displicet ei in  
peccato

peccatore. Ber. Quantū displicet Deo impudētia peccatoris, tantū placet ei erubescētia pœnitētis. Similiter humilitas orantis multum placet ei. Ber. Citius placas Deū, si mensurā tuam seruaueris, & altiora te ne quæsieris. Quædā oratio fit in puro affectu. sic orauit Susanna, Dan. 13. dicens: Domine Deus, tu scis quia hæc isti malitiose composuerūt aduersum me. ¶ Alia species orationis fit lato affectu. Sic orauit Moyses Exod. 32. dicens: Aut dimitte eis hanc noxam: aut si nō facis, dele me de libro tuo quē scripsisti. Alia oratio fit grato affectu. Sic monet Apostolus orare ad Col. 4. Orationi instantes, vigilantes in ea gratiarū actione. Oratio infructuosa similiter multas habet species. Quædam enim est simiatica. quæ solis labiis fit. De qua Matt. 15. Populus hic me labiis honorat: cor autē eorū longe est à me. Esa. 29. sic habetur: Apropinquat populus iste ore suo, & labiis suis glorificat me: cor autē eius longè est à me Aug. Sicut vox sine modulatione quasi vox picarū: sic oratio sine deuotione quasi mugitus boum. Idem Aug. Quid prodest strepitus labiorum, si mutus est cor? Qualis differentia inter paleam, & granū, & inter simulam & fufur, & inter pellem animalis & ipsum animal: talis est differentia inter sonum vocalis orationis, & deuotionē cordis. Præui pastores pro animali solam pellem reddunt: quibus similes sunt qui malè orāt, tantum exteriorem sonum vocalis orationis habentes. Et notandum quòd deuotio sic describitur: Deuotio est tēneritudo cordis, quā quis de facili in lacrymas resoluitur. Vel sic, Deuotio est feruor bonæ voluntatis, quæ mens cohibere nō valens certis manifestat indiciis. Deuotio est medulla holocaustorum. Sine ipsa holocausta sunt arida. Psal. Holocausta medullata offeram tibi. ¶ Alia species infructuosæ orationis est oratio præter opera: qualis fuit oratio Eliæ, cum petiit animæ suæ vt inderetur. 3. Reg. 19. ¶ Tertia species est salutis cōtraria. Qualis fuit oratio Pauli perentis à se stimulū amouendi. 1. ad Corint. 12. ¶ Quarta species est oratio præsumptuosa. Qualis fuit oratio filiorum Zebedæi, qui volebāt peruenire ad regnū, nō per calicis potū: quibus dictū est, Nescitis quid petatis. Mat. 20. ¶ Quinta species est oratio ridiculosa. Qualis est oratio hypocritarū, qui elati de multitudinē operū suorū, Deū quasi irridēt, dū manibus plenis elemosynā gratiæ ab eo perūt. Talis fuit oratio superbi Pharisei, dicentis: Ieiuno bis in sabbatho, decimas do omniū quæ possideo. Luc. 18. Vacuas oportet esse manus hominis per humilitatē, ad hoc vt elemosyna gratiæ ei à Deo detur. Itē oratio hypocritarū ridiculosā est, qui manus ten

dunt ad terram, cum eleemosynam perunt ab eo qui est in cælis: terrenam enim mercedem quarunt in operibus suis. ¶ Item potest diuidi oratio in postulationem & obsecrationem, & oratione strictè sumptâ. Et sumitur hæc diuisio ex illo verbo 1. ad Tim. 2. Obsecro ergo primum omnium fieri obsecrationes, orationes postulationes, gratiarum actiones. Membra verò ista notificat Bern. in epistola ad fratres de mōte Dei, his verbis: Postulatio, inquit, est circa obtinendâ tēporalia & necessaria vitæ huius, in qua Deus postulantis quidem approbans bonam voluntatem, facit tamen quod ipse melius iudicat & dat libenter sequi postulantē. Ad postulationē pertinet petere tranquillitatem pacis, sanitatē corporis, tēperiem aëris. Obsecratio est in exercitiis spiritualibus anxia ad Deum instantia. Oratio est hominis Deo adhærentis affectu, & familiaris quædâ & pia allocutio. Gratiarum actio est in intellectu & cognitione gratiæ Dei bonæ voluntatis indeficiens & interflexa intērio. In postulationibus, piè & fideliter est orandum, sed nō est illis pertinaciter inhaerendum, quia nos nescim⁹, sed Pater noster qui est in cælis, quid in tēporalibus istis necesse est nobis: Obsecrationibus insistendū est, sed in omni humilitate & paciētia, quia nō afferūt fructū nisi in paciētia. Nonnunquam enim cum celerius gratia nō subuenit, obsecrāti cælum aeneū, & terra sua ferrea. Et cum relicta sibi humani cordis duritia, ad votū exaudiri nō meretur: anxietas desiderantis negari sibi existimat quicquid differtur. Cumq; sicut Chananaea illa præteriri se aut despici gemisecit, quasi in immunditia carnis præterita sibi peccata imputari vel impropèri imaginetur. Nonnūquā verò sine labore petens accipit, quatēs inuenit, & pulsanti aperitur, & consolationes ac suauitates orationis inuenit tandem meretur labor obsecrationis. Nonnūquam etiam puræ orationis affectus & bona illa affectionis suauitas non inuenitur, sed quasi inuenit eū non petentem, & quasi nescientem gratia præuenit: & tanquā genus seruorū suscipitur in mēsa filiorū, & rudis adhuc & insipiens animus in eum orandi assumit affectum qui pro merito sanctitatis reddi solet meritis perfectiorum. Quod cum sit, agitur vt vel in iudiciū suū negligendū, non liceat nescire quid negligat: vel vt prouocatio charitatis amorē in eo vltro se proferentis accendat. In quo, proh dolor, multi falluntur: quia cum pane pascuntur filiorū, iam se filios esse arbitrantur: & deficientes vnde proficere debebant, ex visitante gratia euanescent à conscientia sua, se esse aliquid arbitranes, cum nihil sint. ¶ Item oratio sic potest diuidi. Est oratio quam aliquis

aliquis pro se ad Deū dirigit, & est oratio qua aliquis pro alio intercedit, quæ suffragium dicitur, quod suffragium humiliter petendum est, & maximè à sanctis qui iā beati sunt. Job. 5. Ad aliquem sanctorum conuerrere. Populus etiam humiliter debet suffragium petere à ministris ecclesiæ. Leuiti. 3. Rogante pro eis sacerdote, propitius erit eis Dominus: Item habetur eiusdem 5. & Num. 16. Deprecatus est Aaron pro populo, & plaga cessauit. Ministri etiam ecclesiæ suffragium humiliter debent petere à populo, exemplo Pauli ad Ro. 15. Obsecro, inquit, vos fratres per Dominum nostrū Iesum Christum, & per charitatem Sancti Spiritus, vt adiuueris me in orationibus vestris pro me ad Deum. Item petendum est suffragiū ab his qui creduntur esse specialis Dei amici. Job. 42. Iob seruus meus orabit pro vobis: factera eius suscipiam. Illi verò qui in Christo decedit, dicendū est illud Genes. 40. Memento mei cum bene tibi fuerit. Libenter debet orare vnus pro alio. Iac. 5. Orate pro inuicem, vt saluemini. Et 1. Io. 5. Qui scit fratrem suum peccare peccatū non ad mortem perat, & dabitur ei &c. Multum etiam sperandū est de suffragiis sanctorum. ad Philip. 1. Scio quod hoc mihi proueniet ad salutem per vestram orationem. Idem ad Philemonem: Spero per orationes vestras donari me vobis. De commendatione, & expositione Dominicæ orationis, require in sermone illo episcopalium: Omnes vnanimis in oratione estote. Isidor. de summo bono: Fidei symbolum & dominica oratio pro tota lege paruulis ecclesiæ ad cælorum regna sufficit capeſſenda: omnis enim latitudo scripturarum, in eadē oratione Dominica & Symboli breuitate concluditur.

*De laude Dei, & de necessariis intēdenti laudi diuine. PARS VIII.*

Nunc tangendū est de laude Dei & gratiarum actione, quæ in orationibus suis consuevit ecclesia admiscere. Et primò de laude Dei. Ad quam multum incitat nos Sacra scriptura. Danieli: Immola Deo sacrificium laudis. Idem: Psallite Deo nostro, psallite &c. Ecclesi. 39. In omni corde & ore collaudate & benedicite nomen Domini. Heb. 13. Offeramus hostiā laudis semper Deo. Apoc. 19. Laudē dicite Deo nostro omnes sancti eius, & qui timetis Deū pusilli & magni. Ad laudandū Deum maximè incitat scriptura Psalmorum in tertia quinquagena, quæ in laude terminatur: Omnis spiritus laudet dominum: & in qua sunt tot psalmi incipientes vel à verbo laudandi, vel confitendi, vel cantandi. Item ad laudandū Deū incitat omnis creatura. Gregor. Mirū est, quod homo semper Deū non laudat: quia qualibet crea-